

林先生像



鍾元夏午貌稟四靈涵三宗孔序九覺宜應麟其業荷象厥經
出有人無斯道日星

開子以后運午之前函三為一事業誰先揭道而日藏心于淵
在世出世時人侔天

不肖小弟兆珂薰沐頓首拜撰
不肖諸孫齊昭薰沐頓首拜撰

林子年譜序

昔司馬氏作史記俟春秋為編年紀事而世家十七即列孔子於齊魯晉衛吳越魏韓之後彼以爵其此以吾道則素王居萬古之大年也後世人又倣于長編年之意而為年譜蓋譜其所表見于當世者日月不停心性未了四大返空千秋安在吾師獨窺無始大暢玄風滙儒道釋為三房子孫聯古今來為一家命脈正以綱常稟于中一蓋對朱楊濂洛諸賢而光大之以上遡尼山主持午運者也哲人其萎年譜競傳乃目錄蝕真風問襲誤神其事者可駭可愕類子所不語而旁及及門無問愛憎已非子長別為仲尼弟子立

傳意與孟鳴使君一堂授受業次真諦永垂來茲猶慨然于年譜之岐羊也於是參互諸本咨諏區言或訂其訛或刪其謬或補其闕而吾師八十二年動定燦若列眉矣使君瞿然曰先生常自題厥像云丹青之所能寄者我之形而丹青之所不能寄者我之神夫茲譜奚足以盡先生也喬泰曰天譜日星也地譜山川也人譜言行也見像得形見譜得情情在而神在矣嗚呼伊川年譜至紫陽始傳紫陽年譜至幼定始著赫子年譜至使君始定徵茲譜學者何由窺三教之大而尋宗孔之原哉

萬曆丙辰七月既望奉道弟子郭喬泰百拜謹識

林子年譜

不肖弟兆珂孟鳴父編輯
門人郭喬泰子登父黥定

先生林姓諱兆恩字懋勲別號子谷子龍江世居莆城東赤柱巷
唐九牧端州刺史韋公後祖者吾公號治壬戌進士官兵部右侍
郎兼都察院右僉都御史總制兩廣考樞谷公萬仞恩蔭太學
生省吾公長子也母李氏知州季先公女生子三長兆金嘉靖
庚戌進士官南京戶部主事季季士兆居先生為中子學者稱
曰三教先生以先生誘二氏以歸儒也又稱為中一夏午尼云

爾

正德十二年丁丑

先生生於是年七月十六日寅時先是母李氏夢月墜於懷已而有娠彌月祥光罩戶異香射人而先生遂生

十三年戊寅

是年先生歲週試時盤獨舉一錄

十四年己卯

十五年庚辰

十六年辛巳

嘉靖元年壬午

是年先生六歲入小學

一年癸未

三年甲申


四年乙酉

五年丙戌

六年丁亥

七年戊子

八年己丑



先生年十三每出必袖金給貧子母李氏詰之答曰損有餘補不足天之道也

九年庚寅

十年辛卯

十一年壬辰

先生年十六撰博士家言詞峰景煥先是先生讀書數行須數十遍方能認識至此忍開悟意表下筆有神云

十二年癸巳

十三年甲午

先生年十八娶主事仙邑鄭公主敬女踰年而卒督學潘公潢
校青閨先生試卷評為見理之文拔置高等補邑弟子員

十四年乙未

十五年丙申

十六年丁酉

先生年二十一續娶知縣陳公杰孫女

十七年戊戌

十八年己亥

十九年庚子

先生年二十四督學田公汝成校士首拔先生命作擬古諸書

先生遊九鯉河夢真人謂之曰麒麟其事業當代其文章

後先生倡

道烏石山至萬厯癸未按院龔公一清攬勝茲山始刻麒麟字于山巖巨石上蓋四十餘年前仙靈已默定矣

二十年辛丑

二十一年壬寅

二十二年癸卯

先生年二十七長子綸生

後補弟子員更命錫命

郡節推章公燦殺青林生畧行世

二十三年甲辰

先生年二十八二月丁父樅谷公憂

二十四年乙巳

先生年二十九冬葬考樅谷公于石門山

二十五年丙午

先生年三十往江西吉水謁太史羅公洪先

事見先生後胡廬山書中

先生托人丐夢九鯉湖夢三骰子賽色擲個么四四一么旋轉久而始住時先生文名藉甚及得是夢衆咸以閎解期之比應試首輒大數分三試三易巾衆益異之先生若弗聞也者比還莆翻然謝舉子業銳心學道

先生自叙謂棄舉子之學而從儒者講道徒見其詳於手容足容之間培析支離之陋恐孔門授受之指似不如此也乃復棄去儒者之學而從二氏者流徒見其溺於枯坐禪空之習搬精閉氣之術又恐釋迦老子之道似不如此也憂愁憤悶殆若窮人之無所歸焉豈意天不愛道而鑒我一點不退真心不十年間幸遇明師憐我而教我也直指此心是聖而所以言者一皆四書五經白由孔孟以來而此書乃為疏釋所晦而不明至於今矣若夫艮背行庭微旨尤且諄諄為兆恩言之及別乃復謂曰汝布衣也不有以小試之其孰從而信之兆恩曰何以試

之而使人信之師曰試之以病病已而人信之然則何以已人之病乎師曰汝少小時豈不誦體胖臑面之書乎體胖由於心廣臑面本於根心况易之黃中也而條理之竅妙足以宣暢四肢者乎汝亦維持其志而無暴其氣焉已也兆恩曰請問其方師曰醫者意也而方固在汝之心矣語具寄養齋叔祖書及心聖直指跋中先生嘗為兆珂言適江右為叔父贛州公萬潮吳廣州時路遇異人授以正訣所云幸遇明師者其指此與

二十六年丁未

先生年三十一次子統生

二十七年戊申

先生年三十二卓小仙來訪先生遂結方外遊小仙名晚春莆
南渚林人也八歲即神於算不讀書便能詩又善草書自號無
山子人或呼為小仙每霜天必浴於溪溪又飲水十數瓶曰深
我煉金丹也至是過先生家先生適出謂先生之母李氏曰安
得瑞氣繞屋乃爾定有異事李曰豈吾子登第耶小仙曰此不
足異李曰豈吾婦生男耶小仙曰此不足異李曰豈吾仲兒謝
舉業能得道耶小仙首肯者再李曰今適年出子姑俟之無何
先生歸小仙一見遂執手大笑因質以公四四之夢小仙曰此

九轉還丹也真人進子矣先生豁然大悟小仙曰君學道也道書云夜來鐵僕細思量長生不死由人做如何講解先生曰此無難解只云學之在人耳小仙曰殆非也夜來鐵僕細思量長生不死豈由人做耶須累世積善方能一子成仙君家行善七世矣君復棄名學道廣行陰陽豈有不得道者乎吾言非誑久常自知因口占贈先生云龍江原是好秀才今日相邀步玉臺一心放去隨流水不是道人做不來於是與先生晨夕談討縱飲行歌人稱為卓狂林顛云有訪道者小仙微言先生為解其意語具寤言錄中

二十八年己酉

先生年三十五四月入終城與卓小仙寓於西禪寺六月同還
蒲遊囊山寺

二十九年庚戌

先生年三十四己將王公武陽講學先生與之論心聖王公深
然之已勸以復事舉業先生默然時先生清晨一粥即往南山
寺坐臥終日晚歸謁母畢即往嵩石山夜眠石床上故歌自適
歌云經世學經世學成無用著山中樂山中樂土堪耕鑿漚瓢
有酒同君醉醉臥草廬誰喚覺松陰忽聽鐘鶴鳴起來日出穿

林溥

三十年辛亥

先生年三十五時已倡道而來受徒黃州先生友也長先生三歲忽執贄長跪者再先生愕然堅辭州復懇請始許之授以心法而黃大本蕭應麟黃封林壘朱廷柱鄭泳黃陽弟兆居兆誥兆瓊兆牙等相繼受業矣先生乃試道妙為却病之方謂州曰此獵較微權也州有女十餘歲病目先生示以却之之法轉授其女行之片餉翳去時鄉都憲劉公勲亦病目百醫不効州與有舊因語之劉公曰果爾是賜我既盲之視也亟拜之州曰先